

**NAMIBIA SENIOR SECONDARY CERTIFICATE**

**FIRST LANGUAGE RUMANYO ORDINARY LEVEL**

**4109/1**

PAPER 1 Reading and Directed Writing

2 hours 30 minutes

Marks 70

**2019**

Additional Materials: Answer Book

**INSTRUCTIONS AND INFORMATION TO CANDIDATES**

- Write your answers on the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

**MARONDORO NAMAPUKURURO KUMUHAMENI MUMAKONAKONO**

- Tjanga malimbururo ghoye muMbapira ya Kulimbwilira oyo vana tapa.
- Tjanga Nomora yaLivango, Nomora yaMuhameni Mumakonakono naLidina paMbapira ya Kulimbwilira.
- Tjanga nashitjangito shashinaliwiru nampiri shashishovagani.
- Wa sha rughanita shidongonito shamema-mema.
- Limburura mapuro **naghantjeya**.
- Kara nashinka kulishantjo, viyivitovaruro narutjangito.
- Vitwa vya pwa kare kutura mutuhaki [ ] kuuhura wakehe lipuro nampiri muruha rwalipuro.

This document consists of **6** printed pages and **2** blank pages.



Republic of Namibia

**MINISTRY OF EDUCATION, ARTS AND CULTURE**

## LIPONGONYONO A

Varura shivarurwa shino makura u limburure mapuro ogho ghana kukwamo ko.

### Shivarurwa 1

#### Lihepeko lyameho yavatjwayuki vamuAfrika kuvaUtokeyuva

Nkurumbara nadintje damuEuropa weno kuna kara ngoli mandi ghavashongi vauyivi ngudu vapamankurushure vana karughano virughana vyaukungilimona. Vashita kuna kushuva mapongero ghavo ghanapiyaghano mukukakara vashingi taxi munkurumbara daEuropa. Vakamali vakughulita-ghulita pavitanda kuna kukomba mavango ghakughulitira va karughane virughana vyakukenita-kenita munkurumbara daEuropa. Vinke nawa-nawa ovyo vina vando mulitjwayuko lino?

Kehe mwaka, mayovi ghavaAfrika shimpe vana kushesheda mukushana vikwaparu djuni muEuropa. Vyavidonapo vyapitakano ngudu, vakafumu vakushuva vakamali vavo va hepe shirugho shashire navana vavo mukukashana vikwaparu djuni kumavango ghamawa. Vakamali kukomba vakafumu vavo vakupira virughana navana vavo vandjara mukuhena va yende kunkurumbara daEuropa mukukashana kumaliva va fumadeka ngudu ghaEuropa.

Twakara nadonkondo, nga vakurona, tu shuvilire meho yavana vetu mukutjwayuka tu yende pandje yavirongo mukukashana udjuni ogho wakudingango mumaghayaro ghetu? Evino kapi vya wapa. Mukondashi mbyovyo twa tunga mushirongo shalipiro lishetakano, upurumuki, kushana kungawopa pawangu-wangu, vantu vavangi kwashananga kusheteka va kuponde, muvihuna, kukushuvilira nakupita mutjutju yakukuponda naumwavo va katamekereko liparu lyalipe munkarapamwe odo va kakurongita mparukito odo va pira kuyika, va kona kudameka kurughana unene kupitakana vatungimo vamvharerwa mposhi va paruke.

Tupu vyaghurumuka viyeramo vyalikururongo, vaAfrika mbyo va tameka kutovorora nampadi davo navimbapira vyakuyendita muvirongo vikare yira vyakuhorowita kukankoty kamatowerero. Mughushiriko makambadaro ghano naghantje kuya paukeni. Mukatika kuEuropa, vaAfrika vamwe vana hepa kupita muviponga vyavinene vyamumburundu yaMorocco.

Vakamarago vamwe kukaturukiranga muCeuta, mulivango lyarudi rumwe rwarusheshu po rwaVaSpanish kulifuta lyaMorocco. Okuno nko ngoli vava kwatanga nakuva paterera mukamba va taterere matengekero gha kungena mushirongo shaSpain hanashi paveta. Viruhupwa vyavifupa vyavakamahudi vamwe shimpe vyakarera kwato lifero mbilii kurenkenka rwa lifuta lyaMediterranean. Vatjwayauki navantje kushana mpito na kukara namatokoro ghamadito, dikareshi konda munke, va hepa mbatero yakupitakana pandapero. Vavo va hepa maghano vaunangeshefa, na kukara nandjodi, lirwameno ntani kukondja nankondo viva gwanikilite novyo vyakapito naliparu lina va karero kumeho.

Ovyo vina kumonekerero kuna kara nkedi yayipe oyo va kwama. Panamuntji vatjwayuki vamuAfrika Kuna kuya kuEuropa kapishi mukuya wana makushongo yira mwa kare nani ngoli mukuya pongayika maliva ghavaEuropa. Shingi shavaAfrika pavirugho vimwe kurova pamavango ghamwe, mukukara nalighano lyakuyenda kunkurumbara daEuropa va karughane va kapongayike maliva ghakugwana mukutjindja liparu lyantundiliro yavo. Mukukarashi maliva ngo gha pangerango udjuni mudima kapi gha hangura muhoko ndi mwaka.

Aghano marudi ghamape ghavatjwayuki mbo vene-vene vana kuwanenomo mauwa muudjuni ghuno una kukaro yira mukunda umwe waunene. Muviri 36 dakukatika munkurumbara daEuropa, kuvhura kutameka liparu lyalipe yira mutambuli vagenda muhotera dadinene. Kuupako kutambura ntjontjo yayididi, mutambuli wavagenda a negheda ashi ureru kuyenda kumeho munkurumbara daEuropa kupitakana dimukunda, doropa nankurumbara damuAfrika.

Weni tupu Shitetu shashinene muEuropa mwakaranga ndwa yakutundilira kulimyahuko lyavatjwayuki vahanashi paveta, unenepo usheshu wandjodirwameno yavatjwayuki vamu Afrika. VaEuropa varuhepo nava vapiro virughana kupa ndjo limyahuko lyavatjwayuki va hana shi paveta ashi ndjo ntundilira lyamaupyakadi ghavo. Ano vantu vamwe valiparulyahashako, kurwanita vatjwayuki vamuAfrika vakupira mpidi lipeni kuvakenga ashi mbo vana kuyito liyeruro lyaukorokoshi mumaparambo.

Shingi shavirongo vyamuEuropa kuna kutotapo wangu veta dadidito vasheshupite vatjwayuki ovo vana roroka, vahutu nambunga davantu odo dina kutundo muvirongo vyaAfrika omo mwa sheshupo viyeramo vyamushirongo vayende kuEuropa. Virongo vimwe vyamuEuropa, shirongo shamvharerwa shaukonentu, kutundilira kulifuta lyaCeuta dogoro kuliyenga lya Morocco, marukenka ghaNorway kuna shana va tureko dimurudi dandarate, ndarate damiya nedi damarutjeno kumwe namafano ghakukeverelita kutelevizi.

*(Kwatunda kumaghano gha Taju Tijani, Muhameni komiti yaNational daily, sayitunga yakeheliyuva muLagos)*

1 Limburura mapuro 1 (a) dogoro (c) pakutjanga ndanda yinakukuwo nalilimburo.

**Shihonena:** (a) A

(a) Mutjangi kuna kughayara ashi lidjonauko lyalinene vayita vatjwayuki ne ...

- A Mayenditito makushongo.
- B Mparukito yamulikoro.
- C Viyeramo vyamushirongo.
- D Lirughanito lyamapuliro.

[1]

(b) Mutjangi kuna kughayara ashi vantu kutjwayuka mukonda kwa tunga mu ...

- A Mulikulito mukunda.
- B Mu udjuni waufuki.
- C Virongo vyakupira ughambero.
- D Nkarapamwe yaukenya.

[1]

(c) Mushitimwitira kuna kughayara ashi vatjwayuki kuwanena mo mauwa mukonda ashi ...

- A Shingi shavo kuvhura kuvyuka kumandi.
- B Vamwe kuwana wangu vikwaparu djuni.
- C Kungaghopa kupitakana vaEuropa vene.
- D Kapi nka va tunganga mudimukunda.

[1]

(d) Nke ovyo a tamba mutjangi nantanto yino “VaAfrika mbyo vatameka kutovorora nampadi davo navimbapira vyakuyendita muvirongo vikare yira vyakuhorowolita mukankotya kamatowero”? Twenyako vitwa **vitatu**.

[3]

(e) Vinke ovyo ana shana kutanta mutjangi nantanto “Kwa hepa mbatero ya kupitakana pandapero”? Fwaturura **munkango danaumoye** mukutwenya vitwa **viviri**.

[2]

(f) Fwaturura shitambo shamutjangi kurughambokitiko rwamulitetoghano 8.

Twenyako vitwa **viviri**.

[2]

[10]

- 2 Tutante ashi ove mukungi dimurudi, vana yita u kaghambite vanantjoka kushure yamumukunda ndi livango munkarapamwe yenu. Tjanga shighamba omo ghuna ka va tantera kuhamena viponga vyautjwayuki kapishi paveta kuEuropa.

Mushighamba shoye fwaturura ashi weni vatjwayukanga vaAfrika:

- Kukushentja naumwavo
- Kushuva liparu lyakare
- Kukushuvilira naumwavo kuviponga

Rughanita maghano ghamushivarurwa 1 mushighamba shoye

Ukalimo wankango mushighamba shoye utike ku nkango mwara **200 – 250.**

**[20]**

## LIPONGONYONO B

Varura shivarurwa shino makura u limburure mapuro ogho ghana kukwamoko.

### Shivarurwa 2

#### Shitimwitira shamwanuke wamutjwayuki wamuAfrika muEuropa

Mwanuke Ahmedu kwayasheyamine muSicily mumayuva ghakuhulilira ghakufu mu 2014. Nkokuno ngoli, mumwaka dawanuke, oghu Ahmedu Jalo wamwaka 16 wakuGambia aya tikire kuliyinga lyaSilian muCatania muruku rwaruyendo rwamwaka umwe namakwedi maviri. Paliyenga limwe, vakengelidimurudi ava munkwenya vimbapiradimbwilita vyendi nauntu wendi pakumutura mumutinga wavantu vakukara mushirongo “vahanashi paveta”. Mukukara ngoli mumutinga wavantu vanya, a kalire mushikakata. Likaromo lyendi mushirongo kwakalire lyapandje yaveta ntani namuruha rovyo vapira kupulitira pantambo yavirongo vyaEuropa. Vakengelidimurudi vakukuturamo ngudu vavhulire ngoli kurughana kehe vino kunkodo davo vamughupe kunkara pamwe yavo shirugho osho vavo kuna kuwapayika ashi weni ngava mu vyuta kuAfrika.

Muruku tupu rwarufupi opo a ka tikire muEuropa, mudi wendi aghu kara ngoli dimukara damuvitarata vyaCatania, shitata shaviri kughunene muSicily. Kwakalire utenda ngudu, ano ghuye kapi a kalire navyuma vyakugwana vyaupyu. Ka yendanga tunda livango yenda livango a papare ndya pavihando nakunwa mema ghamangi ngudu mukudina po ndjara yendi. Ndi a fire kughutenda, ndi kapi a wanine muSicilian wamunongo owo a mu tonyinino ko kuhamena mbongi yavaMuslim va kuvhura kutapa mararo.

Nko twa gwanikilire naAhmedu muruku tupu rwamayuva ghamasheshu. Mushita wambongi yavaMuslim, muArab a yivo kutambura nawa vantu naruhafo, atu dingulita matungo ghambongi. Ahmedu, naye yira vatjwayuki vavangi ovo vahoviro a kalire nalirwameno, kavateranga kukenita mumbongi mukunegheda mpandu. Vineghedo vyangandi nadimbwilire mwendi vyangumine ngudu. Omo ka monekanga kutetukita, ndjira omu a kughupire mwene. Ruyendo rwendi rwakutunda kushirongo shaghure kapi vyamudonganita ashi a dire kukutura nakukuhuguvara mwene. Kughupa ko maudito ghendi ntani nakudwata vyuma vyakukurupa vyakumumbwira, Ahmedu kwayimanine nashikwelito shendi mumawoko yira ndjehushi lipenda nalighonga lyendi. Ani kanduka ni ka ghambaghure naye, kwamonikilire ashi ghure muntu wakukuhangura nakukupopera mwene. Opo na mu pulire lidina lyendi, a li mpa, yira ndjehhu ana kulimbururo mukungi dimurudi. Makura ame ani mutantere nakumenyamenya ashi ame lidina lyande nalyo Ahmed. Ani ghamba ashi: “Twa kugwanekera”. Amu moneke ruhafo kadidi mushipara shendi.

Mukukutura kwendi, na dimbwilire ashi mukafumu ghuno muntu waukaro wakushuvo navantu peke a karo navitimwitira vyakutetukita. Na kalire nalirwameno ni kare navipuraghera naye ngoli a ntjuvire livango mukarugho kakafupi ano opo twakayire liyuva lyakukwama ko, kapi vyamonikire ashi kuvhura aka vyukireko nka. Tupu twarenkire ashi ndi tu shapuke naye mo ana kuya wa. A ghamba a hana kukara nantjinyaghoma. Vatjwayuki vahanashi paveta vayivire ashi kughambaghura navantu vakupira kuyiva kuvhura viva twaredere muudito. Atwe twa twikilire. Atu tameke navipuraghera vyetu vyavire vyakuyita ghoma ano Ahmedu a yimanine a ghambe. Mushita wavaMuslim kwashungilire muvipuraghera nakurupaghukanga mo a ka tambure funguna nakuyundja nga paviri a kenge kushirugho nakukupura ashi mukonda munke vana kushanena va yive navintje kuhamena mukafumughona ghuno.

Ahmedu kwa va tantilire ashi ghuye ndje mbeli, ndje mfumwa yavakurona vendi, ntani kwakalire navaghuni vendi vane. Ghuye kwarwaminine kuwana viweka vyangandi nakonda nga gwanikilite vakurona vendi ovo vakugaghunuko nakuvatera vaghuni vendi. A ghamba ashi: “Nashana kuwana vintu vyangandi ngani hafite valikoro lyande”.

Vashe va mu shwelilire ndjira yayiwa, kumeho yakushapuka a yende a hana vimbapira vyakupitita muvirongo ndi maliva ogho ghamupitito muvirongo vyaAfrika kupitira muSenegal, Mali, Burkina Faso, Niger naLibya. Ahmedu a kuvhurukita virugho vyamaghudito ogho a gwanikilire naghо mundjira, shirugho osho vamughalilire mudorongo vapolisha vaghufuki, ntani natjutju oyo ka yuvhanga murutu rwendi mukonda yandjara. Mpoghali maruvede ghamangi a kalire ghuye kaparukira nga tupu mukunwa mema. Virugho vimwe a vhulire kuwana virughana vyakukuvatilita vyakukurura, kughulita mema, ndi virughana vyakutapera ndya oko kava mu futanga hasha maliva ghamangi owo aku vatilitire ghakamutikite kulivango oko a tambire. A kondjire ngudu mukurenka ashi a paruke, kapi a yivire ashi ruvede munke nga vhura kutwikira ruyendo rwendi aka tike kulivango lyene-lyene oko a tambire kuEuropa.

A kuvhurukita virugho vyene-vyene vyamuruyendo rwendi ovyo vyamutjilitiro ngudu mumaruvede ghakurenka ashi mbunga yavantu vakutika ku 100 vakupatilikide kuperama mukawato kakupira mbando pamayenda ghaAfrika Ucuma, opo hambara va rove. Vatjwayuki ovo kwa tambire kuEuropa vahana maliva ntani vimbapira vyakupitita muvirongo. Kapi va kalire navintu vyangandi ngoli maghayadaro tupu gharuyendo pantjawa. Kapi vakalire namema ghakugwanapo ndya davo pakudilya kunuka mawoli. Ahmedu a velire po. Mushirugho shashifupi tupu wato wavo aghu tameke kushoshoma. Varondi muwato ghunya vava pulire va rughanite vinayirona omo ghakalire mema ghavo ghakunwa vavi dukayike mumakwina vakondere mema ghashashoshomena muwato ovyo vi ka renkito wato wavo ghukarove. Utenda, ndjara, lipiyaghano navyakupira kuyivilita Ahmedu kwaya mupopilire vakaveta valtaly mpo va mu twalire kuSicily.

Apa namupulire ashi vinke vyamu vatiliro a twikire ruyendo rwendi a twenya ashi lipuro lyendi lyapampepo namaghayadaro ghendi ghakuvatera likoro lyendi nakugwanikilita nka vakurona vendi.

Mughushiri ko wene-wene, Europa kuna kugwanekeka kare namaghudito ghavatjwayuki ovo vana kuyataghumuko lyakyo lyakererero. Ngavi pitakanena nka ngudu kuuto mukukengurura lipiyaghano olo lina karo muAfrika, olo lina karo ashi ndjo ntjima-ntjima yina kuvhukito utjwayuki ghupire kushagha. Kutura vintu muvirughana, lipakero shinka nandjenditito muragho vina hepa kukwangura kuvitulitapo. Mukushuvilira tupu vantu vafe, mulifuta lyaMediterranean ndi kuvashuvilira nandjara nakuparukira mukuyendaghura muvitarata kapishi likoshononopo udito.

*(Kwashighupa muvitjangwa vya Akbar, Ibn Khaldun mukashipunaghuto ghamakushongo ghavakamalipuliro ghavalslamic, Nkurushure yaAmerican, Washington, D.C., Mbapira yambundi "The Islamic Monthly", Nkurumuronga 20. 2015)*

- 3** Kama lihuguvaro olo va kalire nalyo navi vakugwanikilire navyo muliparu vatjwayuki vamuAfrika pakutunda kuAfrica va yende kuEuropa yira momo vana vitwenya muvivarurwa vinya viviri. Rughanita mapukururo ghamuvivarurwa navintje mukutunga malimbururo ghoye.

Ukalimo walikamo lyoye utike kunkango mwara **200 – 250**.

**[20]**

- 4** Tu tante ashi oveAhmedu, tjanga ntjangwatumwa kuvasho uva timwitire kokuhamena omu wa katika nomughuna ka paruka muSicilian kuliyenga lyaCatania. Rughanita mapukururo ghamushivarurwa 2 nakutunga ko maghano ghana umoye.

Ukalimo wa ntjangwatumwa yoye utike kunkango mwara **200 – 250**.

**[20]**

**BLANK PAGE**

**BLANK PAGE**